

高淳縣志卷五

學校

古者天子命教然後爲學此後世郡州縣立學所昉也然讀思樂芹藻旂馬外未及宮宇之制而徂松甫柏詠闕宮者不以詠泮水何也豈詳於彼而畧於此與抑興廢自人不待三致意與淳有鄉校自少京兆冀公始距今纔三百數十年而增修改建之迹已難更僕數况爲制久遠什伯於淳者哉故凡有造於膠序者無巨細皆書重人事正以重教澤也又考王制謂耆老皆朝於庠習射上功是卽今鄉飲射圃之權輿焉至書院義塾雖爲庠序濫觴而亦足以攸其所不逮故並次之

儒學在縣治東通賢門外大成殿三間東西兩廡各十一間前爲戟門三間左神厨右神庫各三間戟門外左名宦祠三間右鄉

高淳縣志

卷五

學校

一

賢祠三間忠義孝弟祠三間前爲櫺星門三間門外立下馬碑二座坊曰騰蛟起鳳橋曰育英集賢又前爲泮池池之南爲屏牆殿後爲明倫堂五間東西主敬存誠二齋房十四間齋房北學舍十四間堂前建屏牆左右禮門堂後尊經閣五間閣後敬一亭亭外周垣西南爲學門舊有門房今廢廟左爲射圃舊有觀德亭今亦廢 教諭廨在左訓導廨在右

明宏治五年壬子建縣十一年戊午應天府丞冀綺率知縣劉傑治學宮邑人孔宏璋等捐資助建殿廡堂齋規制具備十二年功竣

正德十一年丙子明倫堂燬知縣施懋奉御史徐翼周鵬檄捐醵重建併造學門外二橋左以木右以石

嘉靖三年甲申知縣劉啟東重修學宮建名宦鄉賢二祠徙泮池

於櫺星門內駕橋於其上拓射圃建觀德亭

當塗邢珣記云高渚古鎮也昉於宏治壬子由溧水析爲縣維時財力孔艱廟學未建雖師生具員而禮無所施絃誦輟響記曰先王建國君民教學爲先今之縣古子男國也教學可緩乎哉越七年戊午應天府丞竇應冀公綺旬宣至此進諸生知學宮闕狀乃率僚屬詣縣東里所陟山巘相其明塏彝衍處以正方向定營位焉復度在官贏財庀材鳩工屬知縣劉君傑董其事治中劉君奎往來程其功諏日經始工善吏勤手口交作於是大成殿兩廡明倫堂兩齋以及櫺星戟門饌堂廡廩諸生藏修之室取次鼎建洎肖先聖像具羣賢名位黜堊丹漆悉如其制崇週垣以別民居設重扃以謹啟閉事訖舍采告成則士有景行而民皆知向方矣歲丁禮嚴器用每責辦於民正德改

高淳縣志

卷五

學校

二

元教諭干鳳捐資範銅爲簠簋登爵之器而用全士論躋之歲丙子明倫堂燬清戎御史徐公翼馬政御史周公鵬按部各發贖金若干屬知縣施君懋重建視舊增勝縣丞何天衢亦規措造學門外二橋左以木名育英右以石名集賢而行者利焉嘉靖改元癸未夏羅山劉君啟東受命來領縣事首謁廟週視學垣見其舊者就敝缺者未興卽介完繕於懷及期政通人和材力充足而工易就緒於赤白之漫漶弗章者飾之宋棖之黑腐將撓者易之宮牆瓴甃之圯裂者修葺之及徙泮池於櫺星門內輦石駕梁於上拓射圃於學宮之左建觀德亭於中戟門外立名宦鄉賢二祠他如庖湏庫井百爾器具秩然興舉閱數月完舊益新克底於成又博選民間之俊秀以充弟子員度前功啟後績可謂爲政知先務矣教諭賈宗魯訓導俞槩吳期暢相

與議曰高淳有學自朐始以來二十有九年矣其間作輟由人羣功未集未有紀述以詔將來茲劉侯莅止始極完美其可無所圖耶乃具事之顛末遣諸生朱珩等過予三湖田居請記辭弗獲已爲之言曰昔柳子厚謂仲尼之道與王化遠近今天下一統重熙累洽之化無遠弗屆故荒徼彝服之徒皆知誦法孔子矧高淳入我朝爲畿內首善地被聖祖之化最先乃以地遠民難約束爲辭而靳此土木之費何耶蓋近世之號吏治者一切以文法從事而置風教於可緩間有祇順德意者其聲教所暨不越乎几席之下百里違化咎將誰諉哉夫泮宮作而采芹之頌興學校隳而子衿之刺起卽此觀之學之興廢繫乎世之治忽誠有不可緩者矣粵自三代之學皆所以明人倫而已孟子曰人倫明於上小民親於下自堯舜以往孔子推明斯道以

詔萬世用之者足以淑人心而興至治今淳學適成人材蔚興爲司牧者簿書期會之暇亶亶焉以斯道親爲講授而飭勵之由是絃誦之聲達乎四境而治化之本以立齊民不見有約束之難富者循其制貧者安其常無逋賦無違役無鬮訟老稚不敢懷詐暴憎閭閻之下寢成敦本尙儉之俗此無他詩書之澤溉灌乎人心彝倫之教潤澤乎政治焉耳此邦人士幸儲養有地作興得人宜涵泳聖涯韞懷遠器以嚮用於時爲德爲民而功業所期如鄉先哲吳正肅魏樞密吳許國諸公之英聲懋績炳炳琅琅爲有宋一代之名臣俾高淳不失爲神化所先斯學匪直爲觀視之美顧不偉與縣丞馬雲主簿王應時董裕典史陳濬源共相其成法得附書

五年丙戌建啟聖祠於殿之東北

辛卯改大成殿爲先師廟

萬曆十三年乙酉知縣董良遂重建明倫堂規制如舊建騰蛟起鳳二坊於櫺星門外

秣陵余孟麟記云高淳古固城地也我朝定鼎金陵隸在圻內屬溧水其時未有封境止以鎮名宏治間用守臣議始卽其鎮爲縣環以三湖地故褊小其學宮去闐闐不遠制亦少隘舊有明倫堂五楹建自劉侯傑燬於正德丙子施侯懋復建久之侈然以頽嘉靖癸未劉侯啟東復撤而葺之迄萬曆辛巳風雨洊震一旦淪圯學宮有倚席之譏生徒無宿業之志嗚呼學敝教湮甚非所以勵士材而培化本也有師帥之責者可扼腕而嗟矣京山董侯良遂受命莅止園視棘墟則憮然曰三代之學建首善謂自京師始也鄭在畿內學校廢弛子衿之作蓋傷之也

高淳縣志

卷五

學校

四

今縣於陪京爲股肱地化行中甸實此其基且國家以六事察吏治崇學爲先藉令教熄而士靡所興也咎將安歸乃召士大夫與三老豪傑共圖之自捐俸五十金爲倡而檄上舍邢世文韓邦本周議長摹且願借其力屬耆老楊廷禮分攝之因列狀請於部使者咸是其議按臺晉江張公以罰鍰佐之於是邦本世文廷禮趯然爭先赴義各割貲百五十金乃選材諏工登登而作發堂之蔀而墊其陛視舊幾高七尺緣堂之後復增建中堂以接尊經閣規緒載閱輪奐孔飾淳之學噲然稱偉觀矣嘗觀聖人作易於泰而以否受之謂興則有廢焉於剝而以復繼之謂廢則有興焉是氣運之相承也其在聖人有保泰之術則不至於否有迷復之戒則不久於剝耳故道有伸鬱土有通塞非特其山川民物以時轉移顧所爲幹旋世機而宏獎文運者

在乎上之人風之焉而已矣是故士囊決則氣噫天機至則籟鳴涓始興學士橫經執業駸駸乎彙進於時至盛矣其後學以漸替士亦蒿焉有遠心而委蛇學宮者見 寢庀茲復廓而新之闕墜舉而標準懋宣秕僻更而衣冠增氣司牧者殫其心力如竭澤之必濬如息響之必張豈其徒爲侈美而於諸士子不有厚望焉矣哉且夫導而易孚者機也學而易殖者志也上以風動下以風從矧密邇大都澤最先被諸士子秩秩乎樅樅乎可以興矣庶幾踐名教之地漸仁義之化奮志而乘其機挽衰而復其盛瓌奇偉碩之才且應期輩出以恢翊休明之治則茲堂之重建所以裨益世風者不謫鮮矣是役也肇事於萬曆十二年八月告成於十三年七月不費公帑不煩羣力不再計而定不亟令而成決策者董侯督功者錢尉庶遞爲植者世文子

高淳縣志

卷五

學校

五

按察司經歷繼寬廷禮子平陰縣典史守仁而始終有全力於學者則邦本繼寬也先是工竣邦本以謁選抵京過予告以事事狀謂不可無籍併請進趨之方會授參軍之任上谷而予亦浸冒南靡遂不果記越二載參軍復申其請且云近石屏董侯良遂新建騰蛟起鳳二坊以翼櫺星門瀄學之制於是爲大備矣夫魯侯修泮宮詩頌其功文翁闢儒學史著其績余故登載厥事以爲記云

十七年己丑署縣事劉元泰重修文廟及兩廡戟門廡舍

二十六年戊戌知縣丁日近整理學宮移泮池於櫺星門外繕東西兩橋以石

太常少卿宣城詹沂記畧云瀄建縣由宏治初設學少京兆冀公綺卜形勝宅焉殿廡堂齋一時規制具備尋是寢敞時爲修

葺葺復圯圯更葺間有留心振作者不過勸率民間各具辦以完繕之而此舉彼寢總之稍稍補其隙蠹而已談青烏者云泮水春夏溢而秋冬涸文士藻思得無竭與學之左右水宜曲引令夾基而入泮池鎖以二橋仍而折而出吉西於學宮爲諸水從洩處宜立門戶往來跼踏以鎮壓之會溫陵丁侯至精敏勤政加意學宮一日謂諸生日不及今一更剏如曩時稍葺以貽來者不覆轍之蹈與有如更剏矣不察其向背順逆而憑臆裁卽棟宇恢如丹堊熒熒如垣堵鱗鱗如亦何當於損益之數堪輿渺漠亦有至理紫陽先生固躉言之地脈何得盡誣也於是建議計工相宜定畫若殿若堂若左右廡門若戟若櫺星牆若內若外若祠若坊不可仍者悉易之可仍則潤飾之至如水之環抱橋之東西峙池蓄水門虛其東而道從西一從青烏者議

斷斷如也事竣之日頓焉改觀潛中脈理斯其幹理振飭甯區區取辦於木石藻繪間乎顯以易人之耳目而陰爲旋轉以翊造物侯之力與謀慮亦殫矣當京兆公卜地時云百年後必有奇偉特達之士以名顯當世者茲其期矣又適侯銳意鼎革若有期會然侯與京兆公蓋天嘿相之後先起以俾茲土發祥者與頃邑人士斌斌茹茅而赴公車業漸有徵士胡可忘所自也第士所稱不負學者奉吾夫子之道培其基固其藩以增修其德業左右裁成造化將惟其出入脫也墮坊表繡鞶帨渺豎立縛表潰裏僅博甲乙金紫爲閭里豔赫則所乞陰陽之靈祇爲庸劣者地且重于造物妒試還而證之夫子之宮牆是爲修耶圯耶是役也始於丁酉之春告成於次歲之夏資取之贖鏹併祿入之餘民不擾焉云

三十二年甲辰知縣項維聰建屏牆於池之南濶二十四丈邑人徐一范捐資重建尊經閣鄭宗泰亦捐銀三百兩三十三年乙巳建敬一亭於尊經閣後

邑人魏成忠記畧云嘉靖初以御制敬一箴頒行學宮建敬一亭立石其中余澹不遑建亭立石尊經閣下又頒行范浚心箴及程頤視聽言動四箴亦並立石尊經閣下爾來七十餘年矣邑侯項公始作敬一亭廣文先生凌君子儉張君大行朱君國棟屬余爲文以記成功余惟辛丑之歲侯自皖之望江來令余邑維時學宮廢者弗飭闕者弗補侯乃鳩工庀材漸次經理學制廟制於是乎一新將作敬一亭梓者石者金者埏埴者塗墍者采繪者畢集而聽命卜學山之陽構亭而立石焉負坎抱離以正其位增高益厚以奠其基作三台象以障其右徹尊經閣

週垣虛檻以拱其前其棟隆然其檻翼然其色燦然乙巳日日始事越數月事乃竣侯嘗爲巨堵泮水之南朱丹其外繪畫其內映山色而耀湖光矣舊泮池冬春水涸築大堤以瀦之中列三島蓋與亭右之三台兩相對峙云我世宗肅皇帝以心學教萬世勒之貞珉中天之日月也至於今出之閣之下立之亭之中揭日月而行中天也於以恢閔制作風勵人心夫固以聖賢之學與斯世共之矣諸君子必其無背師說誦法王言乃不負我侯經營斯亭之意乎是役也董其成者三廣文先生也侯名維聰戊戌進士温之永嘉人

崇正二年己巳知縣莊鐸移建教諭廡於文廟東新騰蛟起鳳坊魏成忠記云余自諸生時見邑侯亦溪董先生作騰蛟起鳳二坊壞而不修經三四令君行者恐怖爲之避道今邑侯慧航莊

公始重建之嘉惠諸髦士也初諸髦士徐一鳳陳毓靈霍思慶周文謨等言學工侯曰學工未可倉卒吾先爲常豐倉自改折法行民便之僉謂倉可廢移屋材修公署僅有存者與其基址變價助邊乙丑征米十五在倉名曰借十三豫備倉十二賃儲民房改折三十餘年民不知運事衙役運軍奸貪相濟米有潤溼米三笆米錢有常例銀米色銀起票銀行盪銀換籌銀倒籬銀打印銀通關銀率千石而費三百此外又有無藝征米蓋難言之害不盡在無倉而無倉之害居多丙寅侯初下車目覩艱苦是年又征米侯謂是役當先民間猶盼盼望改折弗果丁卯又征米乃復遺址分舊者十二廩建新者三十廩廳事房舍不以煩民歲省民間四五百金聖天子勤卹民隱改折法當不終罷今在倉言倉民受其賜矣侯又撤御史臺而新之當是時蟲

蝕穀民艱食鋪設金磚藩封諸費雜沓而至勉強從事月計工成自來力役未有若斯之難也古用民力歲不過三日兩役繁興侯適當其難民亦見以爲不可已今兩坊新建又學宮伊始以侯之才經營工作何所不就理以侯之惠激勸人心何所不赴義若倉若臺侯皆底績而學工可逆覩已丹陽湖綿亘三郡余邑獨居其中學宮稱吉壤雲山夜光文章之輝映也固城汪洋泮水之潤澤也中江禹蹟東壩胥溪筆花謝夢千古學問之淵源也侯以蛟坊左以鳳坊右蛟以兆士騰鳳以兆士起騰爲躍鱗蛟起爲覽輝鳳侯之有大造於文運也乃若雨風露雷倏爾迅發騰焉者不隨之而震蕩起焉者不從之而披靡上土觀之肖像中土觀之砥礪下土觀之以廉以立尤侯之有大造於士節也吾儕讀聖賢書所學何事異日者蛟非池中物鳳作朝

陽鳴以催科中蠹害直告御史臺爲梓里一灑之特其餘事耳是乃所以報我侯云

清初順治十三年丙申知縣紀聖訓重建文廟學舍

十八年辛丑知縣孟復生捐俸重建尊經閣

康熙二年癸卯教諭吉天助重修學宮

溧陽馬世俊記云涑陰接壤溧陽在春秋時皆吳瀨渚邑也予產溧而習涑遊於鄉校者屢矣左垞右郊背岡面湖羣山之遠在宣州境者又環於湖上美哉斯宮乎旣過尊經閣遺址見規制未備爲之愾然念者久之予友吉順也先生以順治庚子秋來掌教卽有意於修舉廢墜越二年爲康熙改元壬寅始偕大尹元來孟侯鼎建傑閣工費均出俸錢三月告成館文鵝湖華公爲之記明年癸卯會孟侯解綬先生有加丹堊焉是秋潦災

高淳縣志

卷五

學校

九

學舍多圯爰相明倫堂命葺折者鎮之柱欹者搯之椽桷之敝者增易之一瓦一石皆拮据而後集事迨仲冬之月堂閣載新又明年甲辰先生方註上考候超擢適奉 新命改選行當去涑涑士多予素交暨弟姪隸諸生於涑者更屬予記歲月余惟學宮之設也堂曰明倫閣曰尊經備制云乎哉歷代之學皆所以明人倫而五經則其明之者也故與五倫並尊士不通經不惟絀於致用而已譬之於射倫其鵠乎經其殼乎修建之指當在是且以先生之身教言之比者文網稍密士氣摧沮亦師儒之憂也先生愛苗惡莠寬詎弛嚴廼苦心維持加意煦育甫莅涑學士有緣蠹胥飛稅中危法落其籍者值學使者歲較先生竟列名送試徐白其冤而全之未幾又有以編審忤當事罷諸生者二人爲往反申辯亦得收復雖有所牴牾弗顧也而於三

衿者固無幾微德色自非仁昭義立曷以與於此當庚子辛丑間吾吳有奏銷錢糧之事先生早誠涇士俱於歲前上庫及憲檄催冊竟以片牒報完俄縣胥暗開二生然實以完爲欠也賴學憲王公先禡後查亟爲言狀得換冊旣復二生並坐縣胥罪由是鄰邑跼罹禍而涇士無一人及者則先生之爲涇士曲突徙薪德又百倍於前也其型士先行後文務以忠孝大節相愷勉月有約季有會頌其五雲選藝以爲程式月旦一出士咸鼓舞尤喜造就後雋不吝金針度之小子之受學者遇試輒入格涇之人文一變則先生勤課力也以故多士歸心爭頌師保暇則杜門訓子詩禮雍容租稅之無染也竿牘之無撓也交際之無瀆也束脩之無求也懿蹟殆不勝述書曰敷教在寬又曰敬典在德先生有焉此人師也亦經師也居涇五年新尹亮公葉

侯方倚以問政而先生自此升矣然先生之德澤教思當與斯堂斯閣俱存涇士其能一日忘之耶苟知先生所以教則知所以學矣抑予嘗讀涇志建邑以明宏治壬子建學以後七年戊午其學諭始於干公鳳而今則止於先生蓋實錄初制天下府州縣衛所儒學各設教職一員府衛皆教授州學正大縣教諭中小縣及所皆訓導先生學諭而涇中縣故當改選涇自後有訓無諭矣志稱干公行甚高首自捐資置祭器典籍於學宮涇人祀諸名宦云閱今幾二百年得先生遙接其席始終兩賢疑亦有數而官制沿革又事之大者爲并記其事於石俾後之徵文獻者有所考焉先生名天助字順也別號拙齋皖之太湖人前任無錫司訓由二年恩拔貢士

十二年癸丑文廟災十四年乙卯知縣劉澤嗣重建併修明倫堂

暨門屏坊祠

邑人唐懋淳記畧云蓋聞鼎象維新天造重熙之運觀光有自人趨明作之功文欲不墜於南離業必常輝於東魯然不遇廉明勤敏之才振勵於上烏能士民用勸而建百世宏勳耶溯淳學宮之始在明宏治初年北枕崇岡分鍾山之靈瑞前涵金鑑挹湖水之澄波佳秀聿鍾人文蔚起歷今康熙癸丑近二百年乃於季冬甲子而災師儒奉神主祀於尊經閣邑大夫欲構殿庭而禮之艱於時絀未能舉羸然春秋享祀士林興慨矣逾一載北吳劉侯來令淳甫下車釋菜謂聖宮乃斯文根本安可久蕪除地重新予之責也莅任數月集耆老匠工計畫其事僉謂費必數千緡工必一兩載侯毅然曰古人經營而成不日者非大役哉必費全而募役役全而報竣玩日愒月莫之有濟也首

自捐俸爲紳士倡採木於江津作陶於山麓單騎臨類稽省羣工勤者勸怠者懲不盈旬而梁棟莫不三旬而廊廡成不數月而門坊祠宇秩然環橋類壁井然宮牆數仞高徹層霄殿宇九階光分麗日仰星辰於泰岱聖賢之堂構聿新薦俎豆於昌平春秋之祀典畢備非侯之廉明勤敏亦奚由至是耶余承乏水部日執簡侍大司空每國家有興舉必持籌共計金錢幾何器用幾何邪許力作之役幾何而經時累月告成之難莫述也侯偉才宏畧指揮畢赴則其經綸幹濟蓋明時所書屏而借箸者今之文廟重輝特其先礪哉

二十一年壬戌知縣李斯佺重建兩廡

訓導績溪胡士藻記畧云士藻不敏謬以司鐸來淳謁文廟見兩廡傾圮鞠爲茂草明倫堂頽敗過半未幾尊經閣又壞邑侯

李松客先生慨然以重建爲己任士藻心竊偉之乃請於先生曰堂與閣自不可緩然兩廡密邇正殿爲務尤急爲功差易盍先圖之先生立捐俸銀鳩工庀材匠月工竣左右輝煌頓爲改觀因思先生生東魯聖人之鄉祖大司寇五絃公父灤州刺史岱源公勲伐爛然先生當盛年筮仕守其家法纔下車問民疾苦興利除害裁冗役絕包苴振興文教善政種種未易僕數於兩廡落成爰并及之

二十七年戊辰教諭柳加恂重修學橋併建石壩

加恂自爲記畧云嘗考載籍而知命官守職各有攸當膺一命者就乃位盡乃職凡以無曠厥官也余教授涇溪初以鼎新聖廟爲事而豐功大造非可驟成也不能不有待矣惟是泮水之上環左右而鎖固東西者向有二橋久且崩圯莫可復濟蓋路

高淳縣志

卷五

學校

十二

當縣分東南要區其肩輿往來濡軌褰裳徒滋浩嘆耳余與邑侯計得罰金三項於是載石興功規爲簡樸逾月而竣而水之聚於池以洩於外者又懼其一往而莫留也是雖一壑一汙之用而氣候之吐納洩宣道於是乎寄於是更以廢石之餘築小堰於水西冬則不致徹涸至底夏則長流而源蓄也將見縉紳冠帶無礙行踪擔負往來資其利涉庶不慮觀聽之或阻矣由是從外以至內功可以漸加因小以及大志可以克遂如謂僅爲斯橋計固非余志也

三十七年戊寅知縣游祿宜重修學宮

邑人吳本周記云天下之治由人才人才之興由學校是故先王重人才而崇學校尙已迨後世諸途並進而宮牆爲寬閒寂寞之區至於廢弛而人不加意往往而然涇之學宮傾壞有年

縣侯師長苦不克振根本之地一望茂草可勝悼哉吾師閩中
游公憲斯來令涇才足經理而又知人善任甫下車卽以修建
學宮爲已任會學師畢子羲馭施子篔谷兩先生相繼莅學亦
以宮牆頽不加修爲憂亟請於公公曰是大役也經營不可無
資督理不可無人涇學修建者屢矣其資悉派里民公曰不可
吾革弊恐不速而計出此乎因多方籌畫定爲募捐之計列狀
請於郡守聞於學憲咸是其議公自捐俸以倡兩學師繼之遍
勸力之能捐者登簿得若干金公喜曰學宮成矣然不可無督
理之人僉謂聖裔太學孔生楷可任因敦請而專委焉復請明
經邢生景慶太學陳生吉共勸厥事未數月而功告竣乃公猶
以大成殿未得崇峻爲恨先是明宏治間未及數仞今重欲累
磐石奠厚基費益不貲故常鬱鬱焉然則公之於涇學其用意

可謂遠且大矣學之大殿居中後爲明倫堂又後爲尊經閣啟
聖祠在其東北仍舊制也而若兩廡若櫺星門戟門及兩庫并
諸祠宇或修葺或重建一一巍然改觀輝煌照耀而絕不費民
間粒粟涇何以得此於公哉豈非公才足經理而又能知人善
任故不負 朝廷重人才崇學校之意乎落成之日約爲會課
諸生及童子咸集明倫堂試文兩義畢輒舉觴相爲歡樂時周
亦在座命記其事周固公門下士也儒學根本之地安可無一
言以留其後乎遂不辭而爲之記

五十八年己亥署縣陳學良知縣趙暉重修學宮

邑人張琬記云蓋聞學校之設崇師儒廣教化其爲人心風俗
計至深且遠而育才以待國家一日之用俱於是賴典綦重也
方今 聖天子加意宮牆勅所在有司以時修葺蓋以 先聖

先賢靈爽式憑而師生亦得日夕講課砥礪成材勸孝作忠實
基乎此然則學宮之修誠非細故而亦豈特我涪所當亟講哉
卽如涪學創建數百年來修葺代不乏人不謂至近日而傾頹
益甚戊戌夏山陰陳公學良以別駕暫攝涪篆目擊心惻卽偕
司鐸鮑君漣章君斐然集闔邑紳士擇吉諏工共推邢君必慶
孔君毓鏞陳君國丙董其事爾時桑梓爭先解橐布置亦已粗
就而猶未卜落成何日秋八月益州趙父母曄來莅茲土新政
煥發百廢待振由是捐俸飭吏銳意贊成三君子才優幹濟復
不辭勞瘁凡薪水蔬米悉出已貲故越明年夏四月而事遂竣
以是知舉事必視其人而學宮之修其關於一邑誠非細故也
行見廟貌重新英奇奮發爭自濯磨以無負 國家育賢儲才
至意將必多應運傑出者並轡聯鑣策勳砥節爲湖山益潤而

增華然則今茲學宮之修自非他邑可擬而余與督修勸輸諸
君子猶及見此盛事可不爲吾涪稱慶哉爰弗揣譎陋而爲之
記

雍正元年癸卯暨乙巳知縣叢元燦趙泗映重修正殿兩廡及櫺

星門

趙泗映記云江左爲海內巨區其山川靈秀所鍾固多賢豪奇
峻之昌顯以增輝盛世而涪則其首轄地也涪學之建其地盤
礪挺秀已踞一邑湖山之勝而其規模之崇宏廟貌之壯麗尤
足以培士氣而養人才士君子學聖賢之道朝夕淬厲於此而
謂志乏奮興才鮮傑出吾弗之信矣又况崇宏者能令之歷久
益堅壯麗者更使之與日俱新乎癸卯七月舊令叢竹洲先生
倡興修之役得邢子楷唐子士驥孔子毓輦相與殫心竭力以

共勸厥事至今年秋暮余承竹洲之乏幸觀其成其自正殿兩廡名宦鄉賢及戟門櫺星門俱各堅固整齊次第改觀而總前後所費不過二百餘金也乃計力奏功大小已無遺憾以是知闔邑盛舉獨推三子肩其任才望固應大異尋常而卽其用力少而成功多則其潔已任勞不肯苟且怠弛於纖悉愈可信矣司鐸鮑君漣章君斐然旣錄其績申之學憲以廣獎勵余亦樂捐俸助成且出數言以紀其盛由是以往共出其蘊蓄以黼黻皇猷贊襄盛業是舉也蓋始基之矣至若學聖賢之道朝夕淬厲於此中者固不獨三子也凡夫抱負塊奇寄託非常之士際此重熙累洽景運彌新有不乘時共起聯翩霄漢復與其鄉先達競奮爭趨掇巍科躋崇秩垂芳烈於靡窮者乎吾更於是學之修卜士氣之日振而人才之日盛矣

高淳縣志

卷五

學校

十五

三年乙巳邑人邢綱捐資重建崇聖殿

九年辛亥署知縣朱鷺捐俸立下馬碑二座建屏牆於泮池南濶二十四丈

金壇于振記云從來國家培育人才端自學校始漢史載文翁治蜀首闢學舍唐李鄴侯新莅處州聿新文廟先儒韓子稱其爲政知所先後州人刻石誌之今誦其文宛然闕宮泮水之音也欣逢 盛朝重道崇儒右文稽古一時賢守令咸思宣揚德意而敬承之歲庚戌保安朱侯莅高淳侯固郡伯諱光之文孫廣信守諱維熊之令嗣也少嫻庭訓讀書之暇卽留心政績於己卯登賢書文章經濟籍籍京華間今 上御極之二載甲辰筮仕休甯敬士愛民諸所施設悉本先世政譜未幾改署淳事淳之人士聞侯至舉相慶 清白吏子孫來矣甫下車循例謁

廟禮畢週週審視而見廟前之屏牆獨缺輒瞿然曰屏牆古外屏制也學宮爲闔邑觀瞻之地教化之所由肇而發政之所宜先者也况茲洵學前面固城湖兩岸車馬絡繹紛擾益宜作障以示崇觀顧獨缺焉豈限於地而舊制不及與抑旣廢而舉者尙有待與言未旣諸生進邑志查閱載泮池之南舊設大屏牆爲蔽濶二十四丈明萬曆三十二年項公捐建歷久而廢侯隨語徐張兩廣文曰是宜急復舊制請卽卜吉起工需費余自捐備命學中弟子員唐士驥張大有陳飛鵬吳瑾董其事起辛亥仲春迄夏初工始竣計費二百餘金於是屏障肇起廟貌巍然改觀噫自萬曆至今賢司牧未嘗不繼起而此牆一廢竟聽其傾圮者且百餘年朱侯甫至卽毅然力舉非所稱爲政知先後者耶教諭徐家祺爲余兄偉烈同年友走書以建屏始末屬予

爲記余竊維侯之家世著於海岱荆楚者久奉爲官箴矣侯之清慎勤勞如古稱三異者已流溢於黃山白嶽間矣何待記爲而茲牆之重建收束山川鍾靈毓秀之氣以培植一邑斯文實關係於溘不小行將相緩急興教化釐奸剔弊修廢舉墜一切善政次第敷布則卽以侯之遠紹漢唐循良遺績上繼先世之芳聲以仰副 聖天子作人造士之至意胥於此舉卜之也而都人士生當景運樂賢侯之教育相與講明修身平治之業處爲名儒出爲名卿皆侯賜也繼自今循牆而走者不且見道益親哉余居史館有採風之任守牧賢否皆當留意以垂治鑑是舉也於韓子爲政知先後之語實相符合烏可不書遂援筆而爲之記

乾隆十年乙丑邑人邢本岐捐銀萬兩有奇重建大成殿兩廡神

厨神庫櫺星門騰蛟起鳳坊殿制較舊高一丈六尺
禮部右侍郎長洲沈德潛記云江甯府之有高渚分溧水地而
爲縣者也始於前明宏治五年縣之有學始於宏治十有二年
正德十一年燬於火重建嘉靖間修之萬厯間修之後復增建
皇朝順治十有三年重修之迄今九十餘年矣歲月旣多材木
漸朽加以鼠穿蟻蝕日就圯壞春秋將事官長師生拜興灌薦
於其下恒惴惴焉懼縣之上舍生邢君本岐素切重道崇 聖
之心慨然以舉廢起衰爲己任謂學校爲興起教化之根本根
本之地不可以不植也於是撤腐易頽取良材選堅甃輦山石
運葢瓦諏吉役工迺植迺甃迺築迺削迺丹迺騰旣蒞事計之
爲大成殿爲兩廡爲戟門爲神厨神庫爲櫺星門外則爲泮池
池之上爲石梁列東西者爲坊表巖巖翼翼壯偉宏麗人工積

五萬七千有奇金錢累一萬緡有奇厯四寒暑而學以興焉嗚
呼盛矣吾見夫人之豐於殖者矣其營私自利者恒多藏以祈
子孫之守其用焉而不善者每耗物力於浮屠老子之宮以求
渺茫不可知之福利而於學校之正人心明人倫行王政者任
其鞠爲茂草而不之一顧人情大抵然也今本岐初無冀倖之
心并無邀名之念抑無有人焉勉強而督責之者而能聿新乎
設教之區以上稱 聖天子敷文德育賢才之至意不誠信道
敦篤而卓然有識有力者耶然此特志其修復學校之功而君
子之所以自治其身心以不負所學者則更有在也士之肄業
於斯者果能以仁爲宅而宅必處焉以義爲路而路必由焉以
禮爲門而門必出與入焉且忠信立乎基址有恥礪乎廉隅六
經四子諸史百家引掖乎升堂入室束其身於子臣弟友之中

游其心於天地民物之大達而在上事功一本乎道德卽窮而在下文詞亦蘊乎性功此君子儒之獨重於天下也若沾沾帖括爲務而師以是教弟子以是學將所講求者惟科第干祿之術而已矣不亦有負乎本岐修學之功也與抑考邢氏先世文林郎鳳岡公曾新文廟嘉靖時所修卽其人也并書之見邢氏先後有功於學而本岐弟本稷捐貲建明倫堂姪復易等捐貲建尊經閣敬一亭均有舉廢起衰之助得以備書

十二年丁卯邑人邢本稷捐建明倫堂及主敬存誠二齋增造東西學舍階簷甬道左右禮門暨門外廂房堂制較舊增一架加高丈餘深丈餘

翰林院編修臯里楊繩武記云高澹自明季詩人邢孟貞昉出海內士大夫知高澹邢氏讀孟貞弔其從叔帶甫詩知邢氏於

高淳縣志

卷五

學校

十八

前代鼎革之際有殉節孤忠維持大義者去年冬吾鄉歸愚沈侍郎爲澹之邢本岐重建大成殿記初脫稿示余讀之又知慷慨好義之士邢氏代有其人邢子復易字匠舟者博雅才也今春正月來吳值余病往余主鍾山書院講席邢子以贄見執弟子禮得悉其伯曾祖瞻岩公與家維斗公同領崇正庚午鄉薦固世通家也以故就臥室見備述其尊人本稷君繼伯父捐建殿後明倫堂復易昆季輩承父志并有事於堂後之尊經閣敬一亭以全學宮規制茲堂事旣竣乞余一言以記因知岐與稷係同胞好義之士萃於一門而前之忠貞維大義者卽其同堂伯祖嗚呼盛矣考澹之明倫堂創於宏治戊午未幾遭燬自正德丙子迄萬曆乙酉以迨 國朝百餘年來其間興廢振舊有御史徐公翼周公 巴令施君懋劉君啟東董君良遂丁君日

近後先鼓舞而其輸囊以助謁蹶爲一邑倡者則重有賴於稷之高祖司城鳳岡君叔祖外翰荇渠君父簽書萬里君世世相承勿替以至於今所謂與三老豪傑共圖之者此歟則邢之有志於學校蓋不自今始矣前年戊辰我

皇上東巡 駕臨闕里崇祀 聖廟凡祭器豆籩樂章之屬悉經 睿詳以昭盛典士幸生明備之日禮陶樂淑仁漸義摩雖草野川澤無不聞風向化稷不忍斯堂僅存虛名一任其朽頓荒蕪若唐肆之不介意使士心蕩然而無所繫遂逐一而鼎新之以仰副 上諭十六條首重敦倫之至意兄倡於前弟繼於後上不負司城外翰簽書諸先人下可垂復易復昕復昭諸後人稷誠盡倫於家克世其德功在聖人者哉詩云以似以續續古之人又曰惟其有之是以似之而功與德兩者以世繼其有而似

續之也尤難漢司馬班氏而外唐韓昌黎繼叔父雲卿與伯兄會並以文章著名柳宗直文類西漢名與兄子厚並馳而實本於父鎮乃得與班氏相頡頏宋眉山蘇氏父子兄弟相繼而成彼其根柢聖賢家學淵源各有經術行於世傳於後雖不僅以文章著述顯而一時推重遂爲不朽之業卽孟貞亦不僅以詩名也其於君臣朋友之際後人讀其詩猶想見節義之無所逃於天地之間然則稷之於兄盡弟道於子盡父道繼往開來不媿忠義世族視唐之韓柳宋之蘇氏立德立功爲何如第觀淳之士彬彬郁郁橫經執業其中覩輪奐之壯麗思創造之艱難因以求古人建學明倫之義循名責實爭自濯磨一登斯堂氣宇忽新才賢輩出於以恢翊休明之盛而稷之功德已非讜鮮又況其不出父子兄弟間哉工起於乾隆丁卯竣事辛未堂制

五楹高三丈三尺深四丈七尺較舊俱增一丈有奇前後迴廊捲木爲題各一架左右向有齋房及門房共十間遺製旣陋曠地亦多今設主敬存誠二齋計三十二楹俾與堂稱以廣諸生絃誦之所東西增建禮門門外廂房共七間至於崇閣修拱危垣文陛木石髹堊丹漆之費不下其兄邢君諱本稷號耕吾素履端嚴多義舉樂施予邑令廉訪實錄申制府少保黃公彰善於門將具題請旌焉堂後尊經閣敬一亭各項稷之子優生邢復易貢生邢復昕邢復昭捐建工費尤鉅落成日另記茲不贅邑令朱姓諱紹文號怡亭莅淳五載有政績例得備書十五年庚午邢復易等捐貲重建尊經閣敬一亭閣制較舊增二楹添廊廡加高一丈有奇廣一丈有奇亭外繚以周垣

詹事府洗馬長洲韓彥曾記云余自十五入學後嘗應紫陽書

院課往來郡學之旁徘徊於尊經閣下敬一亭前覩翬飛跂翼之模勵取友親師之志尋其名而核其義有年長學優者告予曰經史同原未閱史當先讀經尊者服膺弗失之謂誠敬一貫欲存誠當先主敬一者主一無適之謂此尊經敬一之所由名乎是時儀封張公撫吳凡梯衡棗稅圯墁陶甃之有關學校者莫不整飭完備諸生亦皆爭自濯磨以無負振興造就雅意何其盛也厥後遊京師登仕籍家居日少間乞假歸里未暇數數至學宮蓋卽吾郡所謂尊經閣敬一亭者已不知幾經修復矣己巳夏來主鍾山書院講席因得識高淳學生魏近思者語予以淳邑學宮歲久朽蠹有本縣上舍生邢君本岐本稷昆季謹遵先義士萬里先生遺訓捐貲逐一重建本岐所建者宗伯沈歸愚先生爲之記本稷所建者太史楊臯里先生爲之記今本

稷子復易復昕復昭又念堂後尊經閣亦已傾頽閣後敬一亭
僅存荒土凡學宮護衛尤多缺焉未備念切競爽思就全瑜隨
輸已析之財更成乃翁之志願得一言爲記予未有以應也邢
生復易固以優舉應書院課者予每閱課卷輒歎爲軼羣拔俗
之士然未謀面也庚午秋邢生應試江甯至書院復出其邑令
通報文稿示予備悉顛末則雖未親至其地不禁因之有感矣
嘗考宋史孝義傳會稽裘承詢十九世無異爨子孫習絃誦鄉
里稱其敦睦然止及其本宗耳未嘗爲功學校也台州杜漢臣
知永城出俸錢新文廟兩旁爲學舍數十區旦夕講學於其堂
永城父老稱其政爲不可及可謂爲功學校矣然亦捐俸錢耳
非捐家財也今者有閣穹然有亭翼然爲之者不吝其有覩之
者樂觀其成視承詢漢臣殆過之足徵積善之家父兄教先子

弟率謹固其尊師重道之誠油然而發於不自知而亦由 聖朝
治化涵濡百餘年得郡縣良有司後先爲之鼓舞乃克致此孝
友一門藹然慨然仁心義舉之足以風世也蓋淳邑之風信淳
矣楹間有增恢其制也丈尺有加聳其觀也廊垣有設環其衛
也卉木有植增其勝也卽其文詳其事如履其地因回思十五
入學後徘徊於吾邑尊經閣下敬一亭前者已四十餘年可勝
今昔之感哉余雖愧詞之不文於淳學宮規制之備旣熟悉而
心數之爰不辭而爲之記

二十三年戊寅闔邑捐資新建大成坊今廢

二十七年壬午重修文廟明倫堂泮池墻垣

二十八年癸未邑人李生勅率子大年重建崇聖祠正殿三間大
門三間週圍墻壁俱全殘碑猶存道光二十四年燬於火其孫

有羣勉力繼造規模悉如舊制咸豐燬於兵同治七年廟工局
重建正殿五間大門三間東偏有耳門

三十四年己丑重修育英集賢二橋

教諭駱忬記曰學校之重於天下也尚矣青衿逸城 鄭詩以
爲刺文翁修庠序漢詩爲美之蓋育英才集賢士悉由於此其
中橋梁水道皆關學校之盛衰當有以興之不可廢之也余已
丑之秋奉

簡命司鐸淳溪見其殿廡輝煌堂構壯麗蒼松古柏壯山色而映
湖光美哉斯宮乎以爲必有英奇賢哲之士涵濡於其中者宮
之前爲泮池池之上鎮以二橋左名育英右名集賢按古碑志
斯橋建於明正德十一年丙子邑侯施公左以木右以石萬曆
二十六年戊戌邑侯施移泮池於櫺星門外繕東西二橋皆以

高淳縣志

卷五

學校

二十一

石爲之至 國朝康熙二十七年司鐸柳君重修之迄今八十
餘載橋石傾圯行者往來崎嶇病涉余甫至其地不能不慨然
而興嗟也幸有張子世留等公舉邑之義耆唐君日鼎毅然自
任獨力捐輸 邑侯劉公嘉其美舉給示獎勵卽於七月二十
日鳩工庀材並兩橋之左右石路崩壞者俱爲修整五月而工
告竣車行徒行蕩平無礙父老來覩低徊留之不忍去唐君積
善士也同人欲鐫石記之猥以見屬義不獲辭然天下之事務
其大者遠者則可書若徒載其堅固之狀崇飾之美奚以裨益
春秋之世魯僖公能修泮宮有史克者作頌鋪張揚厲惟敘其
采藻采芹獻馘獻囚而已至若創成形勢則略而不書固有在
矣矧今日之事乎哉斯橋之修也不在構石之工誇耀一時也
冀多士凜規行矩步涉是橋而由義路出入禮門人習詩書家

敦孝弟然後發策決科致君澤民以闡揚
聖道益知育英集賢之所由名亦以期務其遠且大也於是乎
書

四十三年戊戌邑紳趙同黻捐貲重修學宮

五十六年辛亥禮部奉 命頒發臥碑文八條令郡縣於明倫堂
勒石垂訓

嘉慶四年己未邑紳陳淇等捐修大成殿孔廣英等捐修明倫堂
葛榮等捐修尊經閣李正彬等捐修東西兩廡韋英等捐修戟
門谷運昌等捐修櫺星門

十二年丁卯永豐鄉重修櫺星門

十六年辛未崇教鄉重修大成殿

知縣霍來宗記曰歲庚申余奉

高淳縣志

卷五

學校

二十二

簡命承乏茲土適闔邑紳士有修理學宮之舉先是學宮爲邢君
本岐本稷捐資重建規模雖爲宏敞前令蓬萊張公以歷年既
久棟宇漸就剝蝕集議興修士民無不踴躍捐輸余踵其意爲
之參酌畫界簡能俾七鄉各領其任竊喜眾情翕洽次第興工
顧以歲祲故輟工者數載庚午秋余奉檄權篆虞山旋卽回任
而崇教鄉修理大成殿適告竣夫崇教爲附郭之鄉於一邑善
舉首先葺事不可無所記述以示來許記曰知類通達強立而
不返是爲大成蓋聖人以金聲玉振爲大成而學者以通達強
立爲大成成固不同其有成已成物之責則一古者庠序之教
嚴師儒之責重詩書之澤深陶鎔之事備雍雍乎士皆觀德而
民知嚮方故曰教之成及於民教之事先於士士能躬行孝弟
則和順之習成士知砥礪廉隅則貪戾之患消士苟敦崇禮

則爭競之風息此化民成俗所以必由於學也方今
聖天子崇儒重道加意學校有司不能上承 德意助流政教實
慚且懼然知類通達之才強立不返之節所望於爾多士者無
時或釋故於茲殿落成而不憚於諄復焉是役也大殿而外如
石臺石橋忠孝鄉賢祠兩禮門兩側房等處繕修者半改作者
亦半至殿中瓶鑪桌幔几席等件皆一一新置煥然改觀堂哉
皇哉展也大成無遺憾已董事諸君勤勞集事例得列名而深
自退讓不欲垂諸貞珉以自表異非所謂勞謙者耶余於是知
淳之士風日以醕士習日益振行見濯磨淬厲連茹彙征以應
盛世景運之隆守土者亦與有榮施焉是爲記

十七年壬申永成鄉重修尊經閣

教諭姚宋郊記曰高淳學校如大成殿明倫堂尊經閣等處先

高淳縣志

卷五

學校

二十四

是淳紳邢姓本岐本稷復昕三公捐建而成其詳載在縣志至
今已數十多年余於乾隆辛亥清和月司鐸蒞茲土因舊署坍
塌乃就尊經閣居焉雖見其規模大勢宏敞異於他邑而日漸
傾圮勢必重修職守者不得辭其責但其時歲不盡豐稍延幾
載至嘉慶丙辰始牒縣商議時邑尊蓬萊張公延請七鄉紳士
選能重修尊經閣分在永成嗣有邑尊西蜀霍公先後襄贊遂
於庚申年興工不轉載而閣首告竣其閣旁兩齋房閣後敬一
亭皆在所葺雖捐修與捐建難易攸殊而振舊如新實所不愧
余居斯閣亦與有幸茲將出資者姓氏列後無非傳示來茲余
意督修者皆當與名而董事諸公謙讓不允易曰勞謙君子永
成 紳士有焉方今

聖天子崇重經學黜華尚實茲 完葺經典昭然有志之士加意

實學通經致用則又余之所日夜厚望焉 是爲記

道光四年甲申永豐鄉重修櫺星門

十七年丁酉崇教鄉重修大成殿

二十七年丁未唐昌鄉重修戟門

咸豐十年庚申賊匪竄踞縣境學宮被燬僅存瓦礫

同治三年九月十九日奉 藩府憲檄縣移學將學宮舊頌臥碑如係損壞照舊刊刻傳諭諸生朝夕誦覽以期更新

同治六年丁卯知縣張金荃據邑人孔昭雲邢士楨陳嘉德等稟請將清查牛本籽種及抵徵撥留善後經費詳請建造學宮並奉准不敷之數按畝捐濟又奉本府涂 委經歷裴大中估計會縣督造七年閏月興工不數月而張故知縣楊福鼎接任造大成殿重簷五間石砌月臺一座殿東有門通崇聖祠福德祠

高淳縣志

卷五

學校

二十五

祠前井一口殿西石砌座坎東西兩廡各七間上下接造遊廊戟門改造五間基址俱升高數尺左神庫右神廚門外中路泮池上砌磚橋三洞東西平房各七間上東三間名宦祠上西三間鄉賢祠下東三間忠孝祠下西三間官廳東中一間爲仰高門西中一間爲快靚門正中櫺星門門外砌大照壁東道冠古今門西德參天地門內下馬碑東西各一座週圍共一百九十丈繞以垣牆東西集賢育英兩橋西砌石礮路至通賢門學東教諭宅計五進外照壁學西訓導宅計四進外照壁八年十月告竣民國五年重修

知縣楊福鼎碑記云高淳古隸溧水前明宏治壬子始析爲縣又七年戊午而縣始建學自明應天府丞冀公綺暨 國朝縣令紀君聖訓以迄道光之末遞經增葺而規模始備咸豐癸丑

之變寇盜奔突墮壞蕩焉泯焉一椽一瓦無復存者不幾如湘東所云聖賢道盡者乎克復後邑人相繼來歸絃誦之音復作而庠序未興多士無所瞻仰則學宮可緩乎哉學宮爲崇祀先聖先賢之地而非僅以誌尊崇已也誦其詩讀其書必溯乎道統之所由傳而因以識其人且以生其敬畏之心而弭其蕩佚之志講習於斯萃聚於斯觀摩砥礪相與有成則學宮者固人材之所由以陶鎔卽此日善後之要務也邑紳孝廉方正陳君嘉德前海州學正邢君士楨候選教諭孔君昭雲光祿寺署正銜陳君嘉謀等有見及此聯名稟請前令張君金荃遂申其事於上臺旣得允行而需款甚鉅官紳相爲躊躇其時荒蕪之田雖漸開墾尙未有賦入計按田一畝捐錢百文地半之可得錢三萬餘緡足以敷工料之費上臺亦是其議並飭委員裴君大

中會同督修於是章程以定而工由此起戊辰秋余承乏茲土瞻視之際喜其先得我心而諸君之敏且勤也大綱旣舉一切瑣屑之務爲余力之所能及者無不樂贊成之越一年而工竣凡廟制所關爲前此之漸次增加者一旦無不備具而規模宏濶氣象輝煌以及薑簋之燦陳鐘磬之齊設較諸兵燹以前有其過之無不及焉于是諏吉灑掃行釋奠禮洵一時之盛舉也事畢咸請記于余余竊念前令加意學校又有廉明之吏相與剋成此勳敦其事者邑紳也出其財與力者邑之士庶也余何敢掠人之美以爲己功謂得爲政之先務乎抑余有厚望焉士之稽古嗜學者豈僅以紆青拖紫朱丹其轂云爾哉必將出其才猷經術以輔相國家膏澤萬類否亦戴仁抱義獨善其身而後不愧爲名教中人本邑學宮據湖山之勝爲靈秀所鍾奇偉

卓絕之士往往間出如宋之魏敏肅吳莊敏吳許國諸公卓然稱爲名臣自宋而下代不乏人雖明季士習頹壞畔背儒先創立異說而邑之人士獨家守一經傳朱程之絕學由其識力素定也而況生明備之世歟今日士林濟濟必有英賢蔚起掇巍科躋顯秩與其鄉先哲後先輝映爲一邑增光者余卽於巽序之告成卜之矣爰援筆而爲之記

九年庚午知縣楊福鼎重建明倫堂十二年接任知縣秦曾熙籌款裝修堂基升高計五楹東西齋房各五間接以遊廊東禮門通文廟西禮門通大路

知縣秦曾熙記曰明宏治五年分地溧水縣高淳立學於治東左郊右垆背崗面湖輪奐壯觀川嶽映秀蓋增建更修至國朝而美富益著咸豐庚申粵匪陷淳學毀蒿萊相望基址僅存

高淳縣志

卷五

學校

二十七

今上御乾修文偃武張君金荃令是邑請稅畝重建未蒞事而卒繼任楊君福鼎承其事營大成殿崇聖殿兩廡神厨神庫名宦鄉賢忠孝祠官廳學署及門墻橋坊壯麗勝舊明倫堂更捐經始築基架楹規模掬具以費絀停工師生聚會故無所歲辛未曾熙任事謁廟策所以竟其功者因集前捐并籌他項仍以光祿寺署正銜陳君嘉謀候選教諭孔君昭雲孝廉方正陳君嘉德前海州學正邢君士楨等董其事又年餘而觀厥成焉是役也建明倫堂五楹主敬存誠二齋舍各爲曲廊以通堂舍使行不雨滯外又爲禮門計費五千二百餘緡合廟捐蓋亡慮五千萬錢矣夫以高淳之僻小水患之頻仍兵燹之荒落土民多緝茅以居而鳩工營造初無難色迄無諉詞是非

聖天子明倫講學加意宮墻曷克正其趨向之誠而作其鼓舞之

氣哉然亦其民之崇尚禮教知廟堂之急於私室而不憚拮据以成其功也若夫處爲名士出爲名臣求志達道以彰名教而振綱常則在都人士循名責實與司鐸董勸之功曾熙雖切厚望愧不能相與有成耳計未建者尙有尊經閣敬一亭奎宿樓恐民力不逮未敢言及願以俟之異日云

十二年七月七鄉紳士以前邑侯許心源創建書院有功文教公議於明倫堂東偏建許公祠奉祀

記云道光丁亥長沙許湘嵐公以湖南名孝廉宰高淳甫下車卽以興養立教爲己任會年豐人樂迺延董勸捐就明倫堂等處房舍創設學山書院其規模条约詳之上臺勒之碑石迄今四十餘年雖時移勢易未有能增損之者可謂盡美而盡善矣公解組後邑人延主講席凡七年父母師長實身兼之今去後

高淳縣志

卷五

學校

二十八

幾三十年屢議設位供奉以無定所而止去秋重建明倫堂工竣議以堂東建蓋三楹卽公主講時下榻處商之七鄉諸君子僉以爲然因擇吉供奉並議於每歲開課日由董事用牲醴享祀以伸誠敬或謂公之善政多端曾入祀遺愛祠矣今又專祀得無複乎爰應之曰遺愛在民公與諸賢侯所同也書院則置縣三百餘年莫之能建而公獨毅然舉行者其嘉惠士林爲何若敢數典而忘祖乎僉曰唯唯嗚呼公之祠常存公之德不朽矣

十三年甲戌重建奎星樓於學宮櫺星門左樓始自乾隆庚申知縣趙公之璋建於東門外之小甘村咸豐間逆匪竄踞拆毀盡淨爰集議重建僉謂小甘村於學宮雖在辰巽之間但址低而去本宮遠未能應吉不如移在櫺星門之前東牌樓右近宮墻

爲愈也高六丈四尺六寸最上一層供奎宿像
知縣秦曾熙記曰高淳奎樓舊在東門外小甘村距學宮蓋一
里許建以乾隆庚申之歲邑令趙公之璋實經始之邑人因附
祀趙公於樓之下百餘年勿衰咸豐中粵匪燬學并夷是樓碑
碣僅有存者比年廢墜俱舉而予以民力未逮獨後奎樓同治
甲戌邑人士集議捐建延日者相陰陽謂甘村稍遠不如櫺星
門左吉鳩貲旣成因以徙趾請予曰善哉固予心也而眾議乃
適相符耶夫奎主文昌上次列宿是星象也非呵護佑助鬼神
者比而刻木以祀蓋神道之教亦以鼓勵人才云爾以予所見
多附宮牆之中彼豈爲堪輿形勢之說哉其亦示斯樓爲敬教
勸學而設典鉅制尊不可等夷於荒野淫祠之列耳且夫信鬼
好神江湖之波靡也使層樓傑出於郊關之外而曰此像肖跳
擲者實科甲司命之神則淳之人雖厚重少文吾知不及百年
必有禱祀以求福者是啟學人倖得之心而滋其惑也若夫列
之宮牆尊其體制俾仰望者知立祀之意非禱祀求福之謂踰
濟多土庶皆體

聖朝敬教勸學之意奮興鼓舞相與昌明經學勉其身上應列星
以無負右文之聖化焉不然無祈禱之用捍禦之功崇祀其奚
爲者予以徙趾之請爲明其理而記之碑是役也經始於同治
十三年八月其落成也蓋光緒元年之二月計費三千緡紳士
光祿寺署正陳君嘉謀候選教諭孔君昭雲孝廉方正陳君嘉
德前海州學正邢君士楨等董其事法得附書

祭器正德時教諭千鳳捐俸置康熙十二年廟災器多散失二十
年教諭葉楠捐俸重置計銅其重三百五觔錫一百十二觔咸

豐兵亂盡失同治八年本府發來文廟樂器靈壁特磬二編磬十六製辦木架大小各二分作四懸並重製鐵鑪臺大小十二副石鑪木臺五副供奉神臺錫爵二十七登三劔十簋十籩十籩五十六豆五十六俎十九並磬移交儒學外崇教鄉捐大鐵鑪一尊

入學額數前明無考清順治五年額高淳以中學入學二十五名十五年額入學十二名康熙二十八年額入學十六名雍正元年詔人文最盛之地其入學額數大學照府學中學照大學小學照中學仍着督撫酌議具奏生監邢綱葛廷簡孔毓輦等遵例請憲具題奉旨俞允於雍正四年改中學為大學每科歲試入學二十名武學十二名仍舊額光緒末改設學堂遂停止書籍舊志所載兵燹後盡失無存茲將光緒間所購各種列左

高淳縣志

卷五

學校

三十上

四庫全書總目全部一百_{十二}本四庫全書_{簡明目錄}全部二十本

二十四史 全部六百本 皇清經解 全部三百_{十六}本

資治通鑑 一部一百本 續資治通鑑 一部六十本

御批通鑑 一部二十本 十三經注疏 一部一百本

經籍纂詁 一部四十本 經世文編 一部六十四本

子史精華 一部四十八本 困學紀聞 一部十二本

昭明文選 一部十六本 日知錄 一部十六本

國朝先正事畧 一部二十四本 唐宋詩醇 一部二十本

小學集解 一部二本 近思錄 一部四本

以上邑侯陶公仲燮捐廉購存

佩文韻府 一部一百六十本

以上邑侯盛公雲帆捐廉購存

前漢書 一部十六本 後漢書 一部十六本

以上邑侯黃公午庭捐廉購存

唐宋文醇 一部二十本 淳溪十二景圖一套十二幅

十子全書 一部四十本 歷代名人奏議一部六十四本

瀛環志畧 一部四本 泰西新史 一部八本

列國歲計政要一部六本 崔欽差出使日記一部十二本

格致須知 一部十六本 盛世危言 一部五本

以上邑侯李公肖鶴捐廉購存

十朝東華錄 一部六十四本 數理精蘊 一部二十四本

梅氏叢書 一部六本 九章算術 一部四本

以上趙在勤堂王世芬堂合捐購存

三通通典通志全部二百四十四本 十一朝東華錄一部八十八本

高淳縣志

卷五

學校

三十下

輿地集成 一部二十四本 康熙字典 一部四十本

正續古文辭類纂 一部八本 正續讀史兵畧 一部二十二本

正續時務通考 一部四十本 皇清奏議 一部八本

道咸同光奏議 一部二十八本 名臣言行錄 一部八本

小方壺齋 一部八十四本 曾文正公全集 一部一百四十四本

聖武記 一部十二本 富強叢書 一部六十四本

農政全書 一部八本 江甯府志 一部十二本

金陵詩徵 一部十六本 春秋宗朱辨義 一部八本 並藏板

周易補義 一部二本 並藏板 石臼集 一部六本 並藏板

以上學山書院購存

學基地二十八畝八分一釐七毫二絲 學垣外東西各地居民賃

住納租

學田共二百七十九畝五分七釐五毫四絲坐落崇教鄉一畝五分七釐六毫坐落立信鄉二十六畝一分五釐八毫坐落山鄉二百五十一畝八分四釐外又有張大有捐田十五畝吳經第捐田三畝光緒四年招墾查出成熟田地一百八十三畝九分照額徵租

民國三年戴家城黃蔭棠黃時榮等以此田折其先祖認捐學費而起報由縣議會議決着令係成田價洋四百元繳為縣立高等小學校基金其田一百八十畝九分歸黃姓收回永為已有呈請省長批准令縣知事

蔣化南照行存案

菜奈二字號地畝山田共四十九號係孫周六所捐以廣學基共平米九斗一升四合六勺孫氏辦糧永給祭胙

學山四畝

社學在賓陽門外五顯祠左門房三間正堂三間即今項公祠

書院在縣治西北察院左明嘉靖四年知縣劉啟東建正堂三間

高淳縣志

卷五

學校

三十一

扁曰崇文門房一間即今遺愛祠今廢

鄉飲酒禮每歲春望冬朔行禮以知縣為主位以鄉中致仕官年高德邵者為大賓諸生中有齒德者為介賓佐貳官為僎位以在城生員講讀律誥選童子歌鹿鳴以娛賓前一日執事者於明倫堂依圖陳設坐位司正率職事習禮至日黎明執事者宰牲具饌主席及僚屬司正先詣學命禮生速賓介以下比至報賓者先入曰賓至主席率僚屬出迎於庠門之外以入主居東賓居西僎介以次隨主揖賓而入至中門又揖而入三揖至階三讓而後升堂東西相向再拜主賓以下各就席司正揚觶主賓以下皆立司正詣堂中北向立舉酒揖眾賓而言曰恭惟朝廷率由舊章非為酒食凡我長幼各相勸勉為臣盡忠為子盡

孝長幼有序兄弟恭內陸宗族外和鄉里無或廢墜以忝所生祝畢司正飲酒授觶相揖而退主賓以下皆坐唱讀律誥執

事者設律誥案於堂之中主賓以下皆拱立如揚觶儀然後禮
生展讀律誥讀畢復揖而退賓以下皆坐席具饌酒三巡主酌
酒獻賓賓酌酒酬主眾賓以下亦以次酌或三行或五行畢徹
饌主賓皆起望闕謝恩行三拜九叩頭禮然後東西相向再
拜送賓以次下堂分東西行仍行三揖出禮門而退
射圃在學門左今廢

義塾康熙二十一年知縣李斯佺建

教諭葉楠記云古之教者家有塾黨有庠州有序國有學其爲
地不同要其鼓舞造就之心則一也若舉家塾之規行之一邑
使單寒者潤澤棧樸其廣厲盛心益無旣哉康熙辛酉濟南李
侯來莅茲土甫下車卽以文教爲己任見有子弟俊秀不能就
傳者輒下令設二館一發童蒙一授經義延士之有才望者爲

高淳縣志

卷五

學校

三十一

之師脯資廩餼分俸給之侯之作人何惓惓哉夫建辟雍尊老
更自古然矣義塾之舉淳邑二百年來未有也而創之自侯絃
誦之聲無間閭里師師濟濟庶有豸乎或曰東魯生聖人故闡
揚風教者淵源有自且歷下自前明迄今爲風雅領袖侯之爲
是舉也其殆承洙泗之芳徽而流北地之逸韻乎異日者鳳池
虎觀間出其著述相與黼黻皇猷潤色太平使朝廷之上知有
多才如淳者其可忘我侯作興之盛典哉

崇教文塾同治三年知縣包家丞撥鄉款在縣治西通賢街置有
門房三間廠廳三間平房三間後空基四進並迎薰門市房一
所相國圩田四十五畝有零光緒六年知縣楊福鼎查各鄉鄉
課未能一律舉行每鄉捐俸足錢五十千文大加鼓勵以助膏
火選董經理親爲敦勸更名曰集賢立信儀鳳文塾更名曰

合美 永豐白鹿精舍道光二十六年知縣王檢心諭董捐建
同治九年知縣楊福鼎撥永豐公款就滄溪蓮塘庵前進遺址
造正廳三間側房二間爲士子課試地 永成成德文塾原設
於水陽之溧水嘴兵燹被毀光緒元年闔鄉重建正廳三間東
西考棚共十二間前平房大門三間後有隙地留建側屋 遊
山遊峯文塾仍舊名 安興文塾久廢今命名曰桂香 唐昌
文塾創立命名曰育才

附鄉約

鄉約大書 聖諭十六條於牌朔望日令保甲供牌約所縣官率
僚屬暨士民行三拜九叩首禮鄉約生立臺上宣讀 聖諭讀
畢官屬仍望 闕叩首七鄉以次遞及乾隆九年每鄉立約正
一人值月一人 按鄉約卽古道人木鐸徇於道路之意所以

高淳縣志

卷五

學校

三十二

著勞來廣教化者也故次於學校

同治四年三月初五日奉 撫憲文刊發

聖諭廣訓直解選舉講生每月朔望日敬謹宣講七年復奉文並
鈔發章程邑中每月逢五逢十日宣講鄉則學師親赴週歷宣
解由學按月申報後疊次奉文至光緒六年三月復奉文宣講
聖諭仿照七文章程

書院文昌宮始末

道光八年戊子知縣許心源因尊經閣建置學山書院記曰高淳
向無書院邑志所載改爲遺愛祠者地不過數椽大約童蒙之
小學耳非書院也余以道光丁亥之秋蒞任斯邑下車後卽訪
有尊經閣一區前廳後樓樓後爲園園中老樹扶疏亭榭之外
周以繚垣廳左右房舍各數十間俱幽靜軒爽余謂藏修有所

息游有地士人讀書其中真所云動靜交養者矣然束修膏火一切苦無所出謀之父老皆淺淺焉有甚難之色夫高渚雖小邑然戶口十餘萬田疇繡錯膏腴肥美之區合一邑而計之得十之七八焉何畏難若是余窺其意蓋恐官府之不肖而因此以爲利也又數月余清釐塵案近數百件每日坐堂皇間凡邑人赴愬者皆卽時訊結無羈滯沉擱之苦且周行各鄉月凡數出一時人士頗不忍以不肖相視余笑曰官不棄其民而民不疑其官此風草相孚之勢機之可乘者也次年三月卽招邑中富戶待以殊禮委曲開導一日之間勸捐至萬金有奇隨擇紳耆之賢而才者命爲董事分勸各鄉不三月而數亦如之焉嗚呼夫非猶是邑之人歟何以前難而後易也爰卜吉日鳩工庀材舊者新之狹者宏之朽壞者更張之樸陋者塗澤之又於大門外添建門樓一座顏曰學山書院置備器具創立規條存錢於典以收其息給田於佃以取其租而一切經費之需皆取之而裕如焉是役也始於季春成於季夏影響形聲蓋不可謂不速矣余深嘉邑人之明於知人而勇於赴義也因撮其巔末而爲之記

江甯承宣布政使賀長齡爲之序曰於戲天下事孰是不誠而能成者哉孰是不仁而能成者哉今之從政者每遇地方公事不曰毋動爲大則曰何苦乃爾否則貌爲振作苟且目前以弋一時虛譽而於事仍無少裨甚或不如其已坐是百務隳廢地方日益凋敝不誠故耳其不誠也不仁故耳吾同年許明府宰高渚甫數月卽議建書院又數月卽集貲兩萬有贏並詳酌條規爲久遠計嗚呼邑人誠好義誠易與爲善顧何以自明迄今

數百年卒無有能興之者中間豈無一議及此顧何以不潰於成夫非猶是邑人士歟然則我明府所由蕝事者可知也有不容已於斯邑之人之心斯有不容已於斯邑之人之事事之未成心其能已乎心之既竭事其能無成乎書院其一端也邑人士而明斯義也有不實力於爲學而自甘作輟歟是爲序道光八年立碑

二十六年知縣王檢心撥永濟橋捐羨餘四千緡諭書院董事韓元等建文昌宮於尊經閣之右正殿五楹後接樓房五間前門房三間東西考舍各九間爲書院課地又側屋四間咸豐庚申匪陷被拆

長沙許心源記曰高淳向無文昌專祠邑人奉其像於尊經樓上地偏狹且不便焚楮帛故祭祀朔望均於明倫堂設位而行

高淳縣志

卷五

學校

三十五

禮焉河南王君子涵攝篆斯邑重修襟湖門外之永濟橋既竣事而捐貲尙有贏餘因度書院右側隙地撥錢四千緡創建文昌宮一座而命邑衿等董理其事經始於四月二十三日落成於十月初六日中爲正殿後爲奉先祠左右兩廊爲東西考舍前爲正門又前爲大門規模宏敞棟宇森嚴金碧交輝神人齊暢於是董事咸請言於余以爲之記余謂修舉廢墜之事當事者不患其不成特患其不爲然無所籍而不爲猶有辭也至有所籍而不爲則非官府之貪婪卽官府之庸懦矣王君之爲是舉也廉矣哉亦能矣哉

同治二年癸亥縣境恢復七鄉董事循舊址重建文昌宮規模一如舊制卽今書院

邑人陶汝霖記曰淳邑向無文昌廟建於邑侯王公子涵中崇

祀 文昌帝君東西二舍實爲學山書院生童肄業之所咸豐間粵匪肆擾屢遭兵燹學山一帶竟成蔓草荒煙予聞而心傷焉久矣前歲徵君陳庶軒書來以重建書院落成屬記於予其略曰同治二年十月城池克復予等接管院務老成云謝屋宇無存過其地者棘榛滿目不勝故宮禾黍之悲爰會集同事公議重建咸翕然同志惟時囊橐蕭然無可挹注崇立兩鄉先捐洋一千元以資起事適善後局接起畝捐稟請 縣憲包在豐成兩鄉每畝加捐二十文遊安唐三鄉則在東壩拆公房一所
以資工需用尙不敷又捐俞光福洋一百五十元谷蘭馨洋一百元乃工程既竣而丹堊未施又請撥東壩釐金四百千零百計摒擋然後觀厥成焉規模仍舊堂構維新於是邑中公事如勸農情查招墾重建文武廟胥於是乎設局春秋丁祭以及迎

高淳縣志

卷五

學校

三十六

春送學 朝賀諸大典亦均於是乎行禮焉請君記之昭茲來許予筆墨久疏當卽覆書以辭然回憶少壯時齋頭肄業燭剪西窗依依如目前事今宦遊晉省二十餘年匏繫一官不獲追隨諸君於邑中公事稍分勞瘁歎也何如春間聞書院諸君稟退已經八九因思亂離之後非諸君艱難拮据任怨任勞顧全大局幾不成爲邑矣不壽諸貞珉久將湮沒不得已屬詞序事以復於徵君遙憶鄉校殊動我以莼羹鱸膾之思也至前邑侯王規制經營許湘嵐先生記之詳矣不復贅

三年六月知縣包家丞以幼孩局田二十一畝零併入書院

八年知縣楊福鼎捐俸足錢五百串交書院生息並諭惜字局田

四十畝零併入書院 凌觀察捐入足錢三百千文以資膏火

光緒二年三月知縣秦曾熙捐足錢五百千文交書院生息以備

科場年分賓興之費照入場人數將所存餘利按名分給不得

動本

自科舉停後各項存款並田房產業統歸第一高等小學校及七鄉辦公總所分撥經管

光緒十七年知縣陶在銘捐廉諭董籌捐重建尊經閣並創設尊

經書院

知縣陶在銘記曰高淳學山書院創於道光戊子燬於咸豐癸丑重修於同治丁卯其時度支不足因陋就簡主講無人一年僅四試試輒屬之縣官諸生至者寥寥取文具塞責而已己丑春予來知縣事旋充鄉試內簾官比復任邑大水周巡各圩與邑人士講求水利請開臙脂河格於議不果乃捐廉認息借欸修正興馬場四圩暇進書院董事謀就尊經閣故址創建尊經書院衆咸踴之捐集鉅欸予亦助四百金置經籍數千卷聘山長爲之詳立規格先假學山書院使諸生肄業其中彬彬秩秩

高淳縣志

卷五

學校

三十七

斐然可觀越兩年書院落成尊經閣亦新焉而淳邑於是學山尊經兩書院學山仍循舊章尊經則分內外課延山長督課之壬辰予檄上元縣事將去淳復捐四百金以助置產隸院中越一年邑中王生嘉賓裒然領解首淳人乃益欣欣向於學於是寓予書銅山請紀之以言以誌經始之舉予維國家之陶才也學校以聚之文宗以時升降之鄉會試以舉之貢之而平日之滋培而扶植之者則書院之力爲多徧十八行省中士之翹然負異於春秋榜者率其先稱書院高材生淳獨無書院與而賢書中絕幾四十餘年何其闇淡而無聞耶抑師法不得士無所取資以嚮學耳夫學問之道其上者通經以見之用致澤君民次則闡發義理考證訓詁以羽翼聖賢之經傳又次則囊括羣籍著述成一家言又次則傾芳漱液獵艷徵奇一發之於詞

章之間最下者乃以時文名然功令以此取士非此無此進身
卽又不得鄙爲小技不屑厝意善乎吾鄉盧抱經先生之言曰
時文者驗其所學而非所以爲學也故士患不學耳果求其所
以爲學之道修業不息版則文宗之一升一降鄉會試之一舉
一貢皆其驗之驗也予於書院諸生又烏能測其所至哉書院
落成於光緒十七年十月凡正屋五間中間曰講堂諸生請業
也東西屋四間院長下榻也堂之上爲樓五間曰尊經閣庋書
籍也東屋三間曰齋房諸生肄業也都爲屋十三間庖厨藩溷
畢具其襄予於成與於集貲建造者董事爲邢君克寬陳君驪
吳君壽寬趙君貴珍黃君茂李君國榮谷君蘭馨劉君棲鳳陳
君義卞君慶祥李君泉葛君林澣宋君錕孔君慶騏濮陽君鵬
張君桂林張君綱王君長慶芮君鴻基胡君自新周君鳳鳴例

高淳縣志

卷五

學校

三十八

得備書

縣立第一高等小學校光緒三十年就學山書院改設初名高淳
縣學堂民國初元改今名五年附設國民小學校

縣立第二高等小學校在東壩東嶽廟後原爲七姓公基民國元
年童銘新倡建並附設國民小學校

勸學所附設本城文昌宮光緒三十二年成立後停止民國

七年
復設

孔教支會附設舊訓導署民國二年三月成立

縣教育會附設本城文昌宮民國元年二月成立

縣農會附設本城倉廩民國二年一月成立

縣商會附設東壩仁濟局光緒三十四年三月成立

論曰古今事變屢矣而學校不變以其爲人道所大其而國家之
根本也自三代後聖澤未嘗一日息而人才所在多有維聖澤

正以育人才而人才奮起聖澤益光二者相待也相循也或疑漢唐以還人才不古若得毋聖澤少衰乎曰不然道如是學不盡如是言人人殊矣雖俎豆一先生而中庸以下其漸漬於失教者奚能自振歟淳之立學與他郡邑罔異自有明晚季爭趨異說悖畔儒先當是時海內蕩然賢者多不免焉而淳猶家守一經奉程朱如金鑑縱有輕俗好高之說不得弱其貌而蠹其隱以故講論頗粹士氣蒸蒸昔人有言人域是域士君子也外是民也淳以好讀書聞四宇十室之邑不乏儒冠民遽士君子哉然視澤宮茂草城闕子衿當必有辨之者矣